


月洲遺稿

巖垣六藏著

中

919.5

L881g



261544



垣龜六藏著

門人

宮本氏壽

山田親良

杉浦正臣 校

詠龜

負書贊聖道。決疑功亦偉。誰令此靈物。泥中空曳尾。

題瓶梅九首 錄一

一瓶勺水屈仙娘。宛見羅浮山下粧。半夜不勞君入夢。

吟心十日醉清。

春日雜咏

洛陽花福共一石。嵐峽領來八十春。堪笑東山無秀骨。  
全憑紅粉賺遊人。

遊差峩

一帶藍流百仞峯。千株櫻似白雲濃。去尋小督舊栖地。  
波想箏聲花想容。

樓上觀山

崑樞何日謝塵寰。偶得清閑此解顏。與向人間爲白眼。  
不如樓上對青山。

邊詞

提兵百萬掃胡塵。飲馬來臨翰海濱。飛將威名震沙漠。  
漢庭却是數奇人。

雪夜

林寂知風死。窓明訝月生。乘雪誰來訪。門前振傘聲。

瓶梅花落

勺水浮香瓣。一枝瘦骨寒。未忍供炊爨。尚留奇格看。

郊遊二首 錄一

身御薰風出籠樊。寸心快暢遠塵喧。鳥穿躑躅紅燒羽。  
人插秧苗綠漾禪。半嶺雲開危塔影。前津沙印落潮痕。  
幽尋獨步非無伴。先後蝶蜂過幾村。

夏曉

樹陰漱流水。頭上鳥驚飛。蹴去<sub>三</sub>。邊露兩三點。葛衣。

懷古七首應需 錄二

吊古戰場。汴水源。菟川攜下白波翻。恨無天塹防飛渡。  
只見雲山似列屯。老驥空齎千里志。夜螢獨照九泉魂。  
流芳今日存何物。滿地花開瑞草園。菟道

寶劍不歸 王氣終。千年遺恨鎖蛟宮。山寒蒼樹濤聲  
起。月暗青燐海色空。玉碎公卿塋魚腹。瓦全將校隱漁  
翁。水濱休問龍舟沒。文治春風一夢中。壇浦

新雁

何處求棲泊。沙明湘水濱。一群聲訴月。幾點字題雲。征  
路據鞍望。空閨歌枕聞。秋風多少恨。帶去影紛紛。

題太真圖

新浴華清來。羅衣香汗透。看取太真肥。須知天下瘦。

浪華舟遊雜吟五首 錄一

檣欄影落夕陽中。歸棹汴流碎彩虹。銷夏羨他洲嘴宅。  
一株門柳兩川風。

音羽山觀瀑布六首 錄一

幽溪晝暗樹遮天。十丈泉光明翠巔。風冷竦然毛髮立。  
白蛇倒飲九重天。

新柳

春風返翬日。顧影弄烟姿。何意開青眼。多情畫翠眉。粧樓送客曉。錦纜繫舟時。暮鳥已投宿。裊然猶待誰。

夏夜口號

群蚊薄暮若潮生。叫動紗幮一片城。自笑英雄時不利。愁聞四面楚歌聲。

題草人圖

竹竿為骨藁為肌。立盡郊原夢足時。津口行人誤呼問。林中桑婦或驚疑。笠箬無意画麟閣。弓矢何心驅雀兒。欲代蒼生護嘉穀。沐風浴露不曾辭。

水仙粽

一喫能令炎熱空。纔經口吻便消融。浮瓜沈李避三舍。甘露流霞拜下風。翠葉剥來冰軟滑。銀盤盛出玉玲瓏。水仙只合在塵外。也托人間金井中。

讀賴山陽新策

劉論時弊斥迂腐。痛快真如痒處爬。休嘲儒士泥三代。猶似文人描八家。

雪中歸樵

暮林處處宿寒鴉。堆背柴薪半雪花。白盡溪山樵徑沒。炊煙一縷認吾家。

花下酌酒

勸酒猩紅花萬朵。對花蟻綠酒三杯。春遊妙訣君知否。酒正半酣花半開。

詠史

南山鳳闕作灰塵。北山金閣忽嶙峋。朝遊金閣夕花郎。香車銀鞍從如雲。庸人覆眩豪傑笑。一時四海半叛臣。誰道將軍器宇大。將軍器小如婦人。莊嚴一室忘天下。空糜黃金幾萬斤。糜金不已遂糜銀。糜爛子孫及兆民。君不聞燕王新築黃金臺。買取英才四境開。

漫筆

洞天福地好煙霞。探討讓他詩畫家。陋巷守貧春可樂。一瓢飲對一瓶花。

落梅

不奈封姨獅子吼。妒春一夕破芳園。頓教詞客無甘夢。長訝名花有宿冤。幽砌苔深埋玉骨。空林月冷弔香魂。淡煙錯認紅粧影。欲喚鶯邊舊酒尊。

野望

滿郊青靄襯芳菲。取次尋春步夕暉。林外途窮癡立久。伴行蝶越菜畦飛。

梅花酒屋歌

歲月箭離弦。人生花在枝。箭飛花落一瞬際。黃金支斗  
無所施。笑他營營富貴場。欲捉浮雲奔且僵。我欲從赤  
松子。脫胎換骨亦多事。我欲歸黃面王。禪律縛心未免  
累。不如鴛鴦樂吾樂。梅花酒屋寄所寄。別有天地四時  
春。鬢雪可消眉可伸。茅檐高標草帚子。掃取城市軟紅  
塵。尊中常滿伊丹酒。洗得悶愁心日新。借問醉鄉誰相  
友。古今酒黨無疎親。佛如解飲便名士。仙本貪生亦俗  
人。往來謝絕惟仙佛。獻酬不許問主賓。百藥之長百花  
魁。引人熙熙登春臺。不妨微醺對縹緗。不妨沈醉臥尊  
傍。梅窓月落東風曉。花香便是解醒湯。

詠愁

每從冷靜境中萌。獨夜偏教睡眼明。牢固如城衝不破。  
微茫似草掃還生。暗侵鬢角二毛早。潛上眉頭八字成。  
誰信區區方寸地。抱來萬斛壘塊橫。

自嘲

蠹魚曾醉古人糟。亂帙環牀擁敝袍。貧賤叢中本無敵。  
酒詩場裡敢稱豪。借鈔欲補家書乏。細寫元緣紙價高。  
堪笑儒流太早計。一雞未割礪牛刀。

題畫美人十首

鈎簾香閣倚秋深。湖月山雲入匠心。六十章成鏤空手。

前身不恠是觀音。倚闌

妙詞一唱兩瀾漫。羅袖淋漓雲鬢寒。恩澤却無涓滴潤。

動天容易入宮難。祈雨

掃眉才子筆花新。臺閣諸郎誰競春。至今艷史推伊勢。

剩馥殘膏沾後人。對硯

六官專寵舊才人。草舍敗簾深鎖春。忍見嵐山花滿日。

斜風急雨碎香塵。淋樓

死節從容計亦奇。男粧濡首待刀推。貞松自有鶴巢在。

寧許老鴉爭一枝。濡髮

滿天風雪泣窮途。隻笠無由庇二孤。翻入仇家賣餘艷。

蛾眉一笑博龍駒。雪行

剪却雲鬟脫霧裾。相門遁罷入精廬。祇家姊妹不勞妒。

今日前魚伴後魚。入道

繡旗鏖戰捲風雲。玉折蘭摧誓殉君。誤被和郎賈餘勇。

金閨貯得降將軍。騎戰

鶴岡廟裡管絃哀。舞袖龍鍾泣上臺。暗向神明訴芳恨。

離鸞一曲骨將摧。奏技

慷慨許身曾孝子。報仇策定翠樓春。烟花若作名姬傳。

節俠篇中第一人。竊符

拉南皮虛舟二子登白川山



偶然山志發。濟勝趁秋晴。詩用與酒伴。共尋猿鶴盟。纔  
離車馬地。煙景觸目呈。笑指臥牛石。不問知村名。雲  
隔林響。流水出山迎。岐路向湖嶺。龜步攀崢嶸。孤峯百  
級梯。峻坂一條繩。石屑塞蹊間。恰如鋪鏡菱。齧鞋刺牙  
怒。投足轉丸驚。前寸兮却尺。顛墜援榛荆。抵巇方仰首。  
墻面恠巖橫。萬木上參天。容光一片明。俯顧來時路。白  
雲已填平。前山松籟度。遙傳鑿石聲。到此覺迷誤。進退  
兩無成。安得插双翅。歛爾凌空行。安得倩五丁。劃然開  
石屏。龍脊哭韓子。窮途慟阮生。顧我命窮人。世路陷危  
阨。身世付屯蹇。未曾問前程。遇此區區險。寧復容動情。

破顏一大笑。瓢酒且連傾。朗吟巖角立。驚飛林鳥鳴。朱  
霞抹翠壁。夕陽嵐氣清。如逢白幽子。端的訪蓬瀛。白幽子白

川隱士世  
云得仙

水瓢銘應僧需

圓形虛心。枯藤繳頸。外混塵紛。中貯清冷。吸彼碧雲。吐  
之煙嶺。一滴甘露。頓發深省。憐他衆迷。臨渴鑿井。

咏銅駝

秦漢已墟。曹魏空。銅駝閱世幾秋風。索公不必須歎息。  
野性慣栖荆棘中。

美人折花六首錄一

春閨倦繡弄庭花。花映美人人映花。攀到枝頭蝶不識。  
翩翩尚戲手中花。

桃源圖

祖龍肉冷江山壞。初闢桃源新世界。避亂流人是開山。  
兒孫蔓延幾十世。倚雲傍水成村落。洞天日月長幽閉。  
戰聲頌聲渾不聞。寧知項霸又劉帝。千歲長如太古時。  
年無曆日地無稅。桃花開後動鋤基。桃花結子理新絲。  
當年曾值禁學初。洞中只傳種樹書。禮樂文章不夢見。  
含哺鼓腹怡怡如。落花流水太多事。春風勾引武陵漁。  
恍惚誤疑入仙境。醇樸誰知秦火餘。漁郎饒舌一漏言。

外人定要鑿混沌。回棹重來覓舊路。已被白雲封洞門。  
瞥然隱見桃源洞。恰同黃帝華胥夢。華胥夢後似華胥。  
桃源一閉桃源無。無爲風俗不可見。賴有丹青摸古圖。  
對圖一往便情深。悠然支笏目桃林。也知秦人詫晉客。  
留傳佳話到如今。

送春詞

青帝班春乘暖光。衆香國裡送迎忙。梅花前導牡丹殿。  
垂柳眉絲護道傍。千紫萬紅守風信。二十四番祭成行。  
歌部黃鶯聲宛轉。舞班粉蝶態飛揚。映舞鶯歌行奏樂。  
蒼龍法駕不停輒。到處供張極豔華。烟悞霞悞帳草氈碧。

一時行遍江南北。山山呈媚水生色。麗日和風許縱觀。  
如雲遊客滿江山。畫舫月宵擁紅宿。繡鞋日夕踏青還。  
中有花顛方外客。紅事得失私斟酌。水仙陸處謫何久。  
瓊花絕胤福何薄。海棠何罪奪香料。鼠姑何功賜玉爵。  
芳槿一朝為路塵。紫薇百日色猶新。隱逸之菊未蒙聘。  
桃李凡卉專管春。春政顛到多如此。無寧花相私所親。  
我欲上書白他屈。紫雲作箋辛夷筆。此事須與群芳議。  
先請駐蹕三萬日。風雨忽然催駕歸。老鶯慟哭蝶追飛。  
長嘆一聲醉夢覺。落花窗外淡斜暉。

讀陪書二首

革命紛紛如互市。首陽誰采薇薇美。可惜儒林傳裡人。  
枉為博士求飢死。  
景華官裡賞新燈。萬斛明珠照画屏。不若回頭望門外。  
飛烽遠近滿天星。

自訟

靜觀有生始。化工即冶鑪。鍛我以嫩骨。鑿我以柔膚。非  
把彼枯骸。再鑄成殼軀。日新是天道。泥古何為乎。章句  
五經蠹。文華八家奴。終年翻故紙。安得不腐儒。成材如  
釀酒。丹府出醍醐。莫盛他糟粕。污我白玉壺。

戲和東園主人詠章魚五首

章魚一名海和尚

何歲聽經得法身。圓頭非介也非鱗。休將八足笑和尚。  
佛位有他千手倫。

脚如被衲繫珠環。身似行僧化泉室。東海夫人合避嫌。  
近來梵嫂嚴官律。

結跏為艇首為帆。隨意泛游如活佛。渡海西來穿耳僧。  
神乘未合誇奇術。

禿頭海物也持齋。乞食江村蒿麥畦。恠他二足陸和尚。  
却帶腥風似水樨。章魚嗜蒿麥  
一時秋田間云

壺裡潛居海法師。自投漁手不曾知。大癡小黠西方教。  
請看章魚入定時。

秋初竹田途中三首錄二

趁涼早發戴星行。燃燭一枝天始明。先我著鞭車子輩。  
蒼煙林外叱牛聲。

落落殘星大於豆。團團朝露白如鹽。背山竹塢路猶暗。  
一線紅暉射塔尖。

天保山

浪華城外浚百川。起工天保紀元年。富戶出錢貧出力。  
三鄉助役爭後先。擔沙別有豪華舉。各坊分隊結裝鮮。  
就裏倡門紅粉陣。照浪紅裙最粲然。都如臨水千株柳。  
兼似出泥萬朶蓮。雲屯棋峙長堤上。邪許唱和聲喧闐。

不勞官吏相督責。沙芑百萬在人肩。飛檄填海學精衛。  
 驚起魚龍逃九淵。風姨屏息陽侯死。蒼波千頃化成田。  
 餘沙築山鎮海口。石壁截潮擁其前。工成攝人不告病。  
 百年水害一朝蠲。賜名天保光前古。天保名此高碑勒  
 績表山巔。請君休輕蟻封小。一撮沙土費千錢。名山多  
 為梵家占。此地獨無香火緣。只從遊客來為主。延得詩  
 仙又酒顛。我本平生詩酒癖。每逢煙水便留連。秋風鼓  
 棹破澄碧。來向山頭坐草氈。西南地拆豁天水。右擁播  
 州左紀泉。左右連山奔會處。渺乎淡島橫天邊。宛似神  
 人伸錢臂。擎攫蒼龍波上眠。臂頭不及二三寸。脫出千

帆落九天。片片孕風入川口。近如鵬翼遠如鷲。心目已  
 飛千里外。吐納雲烟骨欲僂。前汀移步廻山麓。受履白  
 沙軟如綿。昇平搗畔石欄下。潮通义港媚清漣。夕陽斜  
 抹帆樯閣。開以千斛船樯為半天人語帶蒼烟。暮色遠  
 來指顧際。乍看漁浦篝燈燃。擲却江山付鷗鷺。蓼花洲  
 外喚茶船。船尾方認簾捲盡。殘尊更酌餘霞妍。依依山  
 影長相送。坐上京人情轉牽。究竟何人留勝蹟。峴山素  
 待羊公賢。清時不乏神明宰。會有風流千古傳。

入丹途中作七首錄二

旅征却是屬關行。鞋杖不須貪路程。樵客獵人時作伴。

奇花恠鳥試猜名。亂峯銜日吞還吐。曲逕入雲陰又晴。  
攀盡阪頭初放眼。幾層嵐壓幾層城。  
春陰釀雨暮天愁。行客匆匆如避仇。山屢變容呈畫本。  
泉長送響作吟儔。菜花半嶺僧歸寺。梨雪滿溪牛飲流。  
行近龜城城不見。冷雲老樹鎖丹州。

百百醫伯見贈菊花

延年秘訣在君家。不恠巧培延年花。剪霜束露贈秋光。  
昨領紫白今紅黃。就中洋菊最奇觀。知君割愛如割肝。  
爛燦欺霞皎欺雪。繖蓋鶴翎承露盤。竹筍銅餅遍活挿。  
舊枝新枝花相續。夕伴夢魂朝伴書。紙帳硯池香可掬。

吾本落拓一書生。何修忽得此花福。世上豈無隱逸流。  
不似菊花香氣幽。天上豈無延壽僊。不似菊花顏色妍。  
色妍德馨真佳友。不必餐英兼泛酒。淡交休道待花薄。  
朝朝換水二三斗。

兄弟相反行

兄服醫弟服儒。兄尚通弟守迂。兄走轎弟坐廬。兄愛酒  
弟愛書。兄耐忙弟耐閑。兄樂水弟樂山。兄弟本同一幹。  
何相反如水炭。豆藿不必同味。禾稻不必同穗。兄弟不  
必同志。只期各自得意。百異豈無一同。其同在友愛中。

梅

鏤玉雕冰冠百芳。半粧冬景半春光。蓬聲月上斷橋路。  
鶴夢煙籠隱士莊。冒雪高標因骨傲。迎風冷笑為魂香。  
孤清未敢定交契。松竹無花柳絮狂。

芳野山圖

香雲昔日護潛龍。花氣獨存王氣空。誰使山櫻聲價  
重。

南朝五十五春風。

春雨二首錄一

一犁煙雨送春初。閑閱嵐山風雅書。洗盡繁華歸舊夢。  
添來冷淡到幽居。人於芳草閣中老。蝶自落花風外疎。

桂水漲紅知幾尺。遙聞晚巷賣香魚。已亥之春仁科氏  
編嵐山風雅集

寄鹽見醫伯應今井生囑

高士不為醫。俗人不画竹。画竹貴清高。為醫貴軟熟。偉  
哉醫隱立仙翁。身在杏林心淇澳。興來掃竹頗入神。技  
方醫國竹醫俗。此語聞之今井生。眉宇未接神先伏。我  
居洛市苦紅塵。欲乞寒碧兩三幅。預掃牀頭待墨君。墨  
君未必厭書屋。想殺煙枝與露葉。即是此翁真面目。  
已亥暮秋遊湖東應社友之請也得客中吟十八

首錄四

落木秋風度古關。群鴉亂點夕陽山。山色中分濃與淡。

馬聲人影入其間。逢坂

歸帆影小暮煙合。呼渡松陰空竚立。湖上蜈山是舊知。  
翠鬟隔水先迎揖。石塲

陸程弓曲水程弦。帆影相望夫走舩。秋風閑殺搗頭柳。

空繫斜陽倚暮天。青柳橋

綿雪稻雲晒斜日。紡聲春唱送殘秋。湖村僅認昔遊路。  
十里青松映客裘。湖多里

題溪梅落月圖

半溪水皺五更風。破碎香雲影欲空。高枝花壓低枝月。  
但恐落花投月中。

月橫煙散爽溪光。花影印沙沙似霜。昨夜佳人入誰夢。  
歸來臨鏡理殘妝。

梅溪

裙釵影散夕陽中。烝竹聲收芳樹叢。獨立荒臺多古意。  
烟花深鎖御香宮。

山房即事

杜鵑呼覺午窓眠。手焙新茶煮澗泉。滿徑棕花鹿印跡。  
一池荷葉魚齊肩。水情雲意漁樵社。麥飯筍羹烟火僊。  
冷淡生涯求底事。青山埋骨了前緣。

鏡換杯



鏡中留雪四時寒。杯裡回春頃刻間。却老捷方便不及。  
擲來白髮買紅顏。

題後赤壁圖

再遊適在十月望。令余懷古情勃勃。漢時風月宋時鶴。  
古戰場成詩酒窟。君不見建安戊子孟冬初。貔貅百萬  
相吞齧。寥落江山忽闌忙。東南風急猛炎發。燒盡艨艟  
烟漲天。斷骨浮尸波沸血。曹瞞落膽周郎笑。南軍如龍  
北軍鼉。三分勢成一戰間。火德餘光存一髮。赤壁江山  
亦有滌。屹然不受曹賊蟻。但恨縱敵不窮追。終使豺狼  
入窟穴。此恨千年與誰語。江水悠悠山突兀。寄言扁舟

半醉翁。為我問之江上月。

詠書燈

一穗花開夜夜春。灰心剔起或侵晨。寒窓燃雨非因熟。  
破屋戰風長伴貧。洞見三千年治亂。挑明數萬卷精神。  
蘭膏費盡成何事。不照自家徒照人。

小野小町千年忌辰追福詞

麗才麗貌世無倫。僅比唐家揚太真。愛君不解破天下。  
惱殺情郎只一人。

上竿伎

倒懸天半走長竿。萬目仰看心膽寒。別有一層危險技。

無才無德上高官。

題北野下森園

文治三年十月初。權右中辨定。長中。翔言通觀。大內記長守諸公。

會干北野。賦詩獻廟。

酒帘影斜夕陽冷。綺羅塵歛暮烟幽。廟庭無復人雄會。閑殺紫山黃葉秋。

賣薪女二首

一隊村粧姊妹行。戴薪袖手態飛揚。青巾別繫紅絨線。知是誰家新嫁娘。推髻布裙薪沒身。青鞋踏遍洛陽城。黃昏待伴郭門口。歸路戴星頭始輕。

賣花聲二首錄一

陽春有脚遠街坊。喚起吟人聲也香。一笑筆耕生活者。風流輸與賣花郎。

春郊晚歸

春山亦覺夕陽佳。梨雪櫻雲輕靄埋。芳草綠薰三尺杖。落花紅貼一雙鞋。迂途却望鶯邊寺。乞茗試敲林下齋。醉耳歌聽知底物。菜畦臘月吹新蛙。

新嫁娘二首

匆忙入閨裡。粧鏡照多時。顧婢低聲問。新來客是誰。未解承郎意。只知道姑情。朝暮陪姑後。龕前唱佛名。

醉起言志

一醉忘年酒。酒醒天地老。冷眼看世人。奔忙自求惱。銅  
 臭滿城中。舊債紛相討。相見何所問。春糕搗未搗。相揖  
 何所言。事多如蔓草。吾厭斯套言。杜門自灑掃。安心寧  
 無方。省事固有道。三盃是仙丹。尺璧元非寶。人生不如  
 意。千歲亦為夭。醉鄉隣睡鄉。此間即蓬島。未春心已春。  
 蒼人只稱好。歲寒友孤松。悠然同襟抱。負雪翠陰高。群  
 木方枯槁。此意與誰語。支頤聞啼鳥。

遊芳野山二首

行宮只存寺。陳迹渾傷心。山水有南北。鶯花無古今。春

風五十度。

翠輦幾回臨。臨吊野人恨。深於櫻雪深。

夾路櫻千本。攀峯雪滿身。龍潛定何處。鳥語似應久。賴

有

前朝樹。猶承 正統春。誰憐花御所。香艷委灰塵。足利義滿

御所 御所 御所

放鶴四首錄一

僊骨豈宜供玩具。天空海濶任翱翔。蒼鷹方有乘軒寵。  
 休向人間顧稻梁。

山水圖

清流百折翠屏斜。曲岸轉灣如犬牙。冷雲古木何寥落。  
林間露出兩三家。橋南橋北無人跡。鹿蹄印破莓苔碧。  
元是烟嵐無稅地。宜容泉石膏肓客。峻崑對嘴東長江。  
一片白雲擁釣舫。是處我將移居去。已有幽人倚竹窓。

詠史十首 錄九

藤家無相業。平族有軍功。榮華二十歲。宜繼御堂公。崇華

語記御堂關  
白道長事

起兵藉祖蔭。定霸依婦氏。尼公真將軍。源郎贅婿耳。

狐媚竊兵政。狼噬促巡狩。更有麒麟楨。欲掩父祖

臭。唐楊炯目朝士不才者曰麒麟  
楨言如刺面麒麟覆之覆上也。

欲奪中興業。至死無閑地。試問霸王資。鼠竄兼狐媚。  
刑名靖中國。權略鋤群雄。勤王不勤佛。古今獨有

公。

單身客東海。一劍略八州。借問何能爾。餌民仁義鉤。  
機山好兵法。却為兵法縛。可惜禁吟詩。不禁讀韜略。  
橫槊望秋月。空吟北海奇。京畿多勝地。何不去題詩。  
遠祖傳韜略。曾孫興義戰。尚見有儒風。書香存一線。

湖中對酒

手酌一瓢酒。胸吞萬頃湖。漁帆掠月走。煙水入天無。高  
志雲間雁。樂生沙上鳧。功名自苦耳。蠶也非吾徒。

水居圖二首錄一

高人不可見。馮出高人心。萬頃汪汪水。虛舟浮且沈。

柳枝詞三首。

風枝狂態招迎客。金縷多情縮送人。別有消魂俊俏色。淡煙殘月畫搗春。

柳梢月上郎來時。柳陰月落郎去時。翠絲若解吾儂意。繫得銀蟾莫下枝。

一帶綠烟籠翠樓。清陰來去木蘭舟。自憐生長水流畔。管領春江離別愁。

題香魚上溪圖三首錄二

溪上春風波。香魚跳且過。疑是飛玉尺。打量水殼羅。淺流魚可數。沙白似冰盤。或恐他驚散。低聲呼釣竿。

憶嵐山

東風三月半。虛度不向花。蹊趁世路。塵絆羈身不羈心。心馳嵐峽櫻千樹。一夜狂風兼雨至。奪取紅蕖付流水。懸知堰川漲香雪。滿山新樹暮烟紫。正擬曲衣沽新醇。落花汀上殿遊人。寄言渡月橋下堰。為我障過東流春。

山房夏曉二首

曉風披戶不勞人。臥見青山徐起身。窓外方收彩霞幔。峯頭猶戴白雲巾。池荷捧露供醒藥。園笋成竿待釣鱸。

昨夜殘棋須結局。石枰招客會溪唇。

嵐氣砭肌絕暑氣。爐香帶濕不堪薰。溪潭抱甕汲殘月。  
石鼎煎茶燒宿雲。鶴夢初醒松影動。鶉聲漸少嶺容分。  
山人夏課君知否。一畹菊苗栽且耘。

鷄

世間人盡睡。賴有汝呼醒。一鳴星斗落。再鳴紅旭明。三  
鳴人盡起。華華各營生。為利與為義。其始無二情。舜徒  
與蹠徒。判然分濁清。悠悠世上人。誰不負鷄聲。

詠龍輟

水府老兵誇矍鑠。身穿赤甲髯如戟。若何威貌無剛腸。

只解浮沈折腰脚。

江上秋景

遠帆帶日近帆兩。一片烏雲弄暮天。風定秋江明似鏡。  
青山影壓白鷗眠。

首夏醍醐歸途

攀阪遊人魚貫行。泉聲時和醉歌聲。曲蹊忙殺山間月。  
右轉左移相送迎。

捫虱

性懶身舍垢。三旬僅一浴。半風滿敝袍。砭肌刺如鏃。攢  
咬軀欲癢。爬搔爪欲禿。脫衣大勦討。捫殺極慘酷。穿衣

未經宿。依舊侵肌肉。自謂已蕩平。豈料餘孽伏。深縫敗  
絮中。遺卵如散粟。纔除化生者。卵生又分族。蠕蠕始破  
卵。蠢蠢已育孕。隨除又隨生。何時得清肅。恰如心頭塵。  
日夜釀利慾。自言治心病。不知存遺毒。請移治虱功。清  
肅我心曲。

賀船曳醫伯新婚

新人嘗仕  
王公家云

賀客滿堂堂欲摧。華燭照筵頻剪煤。憶昨瓊兒侍王母。  
仙園相見恨無媒。玉腕菩提銀藥籥。春葱捧出綠茶杯。  
年尚破瓜齒尚白。色授心招顏未開。一朝王母歸天去。  
瑤花留向塵土裁。誰知新人是舊識。客散一笑赴陽臺。

鴛夢未圓先話舊。曉光早已到瓶梅。

題書畫帖

讀書多是噉名客。弄墨無非射利媒。誰信墨林書圃裡。  
獨將傲骨友寒梅。

甲辰上巳前一日同友人觀花于仁和寺

債客來討帳。友人勸討春。春債不可緩。花飛不待人。帳  
債猶可緩。償逋約明晨。一麾謝客去。擔瓢出城闔。銅臭  
不到處。香風襲衣巾。引我上仁和。山寂鶯啼頻。萬花皆  
吾有。孤店客無隣。領此春光富。何知家計貧。

高遠藩儒負中村翁七十壽詞

駒岳之高巒嵯我。豫章枯檜美材多。天龍之川勢峻急。  
奔流百里雪爲波。遙望山高水遠處。有美一人其德和。  
通濟如川嶷如山。育英不負教授官。門下群才期梁棟。  
膝前俊秀列芝蘭。誕辰張宴何所侑。水呈其盛山獻壽。  
詠獼猴加藤公畜一猴。公嘗點論語句讀。猴窺公不在。取珠華抹卷。公笑云。渠亦聖人之徒也。

春首觀某氏插花會

郊山踏遍未看花。乍認花香鴨水涯。似是東風有私黨。

頭番春色在君家。

元旦友人寄梅

東風一陣是春媒。吹送儂妃嫁隱栖。賀客今朝休恠我。  
草堂上坐著梅妻。

神農必卜加得合贊應。松曳生囑必卜加得姓歌阿斯氏泰西之

醫祖

支那聖人泰西賢。地之相去里十千。螺髮後生牛首先。  
世之相去二千年。容貌奇偉神欵仙。醫方鼻祖宜比肩。  
先聖云吾揮楮鞭。嘗艸以來壽可延。後賢云吾藥無權。  
病而不藥亦自痊。一身良能足斡旋。醫奉良能備臣貞。



東洋漫士嫌其偏。一語居間要兩全。譬如農父治稻田。三分人力七分天。二叟相視笑啞然。

竹裡流螢

暗風入叢竹。吹出兩三螢。衝雨火愈熱。穿林光倍青。低飛將掠地。高起忽欺星。休照宿禽處。恐令幽夢醒。

題長岡 皇宮瓦

長岡以前家天下。世世遷都如傳舍。長岡以後壯皇居。千年不復移。

車駕奢儉分界在斯時。殘甃半片堪嘆咤。野土沈埋七十

朝。不覺山河閱五霸。至今猶有古香存。曾被柏陵陶甄化。

歲尾送松島生婦豐後

餞筵酒半括青囊。何事匆匆去洛陽。醫國志深雖願學。倚門望切促歸裝。一帆逐雪臘天海。半道見梅元日觴。遙想春風吹汝到。併消慈母鬢邊愁。

題画二首錄一

釣名富春叟。釣國稽溪漁。孰及一江雪。釣詩兼釣魚。

題咸陽宮瓦應綠猗園主人囑

片瓦飄零萬里東。故都已落冷烟中。圓如尺璧堅如石。

田文篆識咸陽宮。旁画八卦圍篆文。周廊依稀見浪紋。  
殘形微缺望前月。蒼色一團雨後雲。當日托身千仞屋。  
下視王侯如蟻螻。恃勢倚高誰幾時。楚人一炬忽零落。  
緣將主人真好事。揭之茶寮代榜字。傍人彈指議不祥。  
誰解主人有深意。華山為城渭為池。儉則金湯奢則灰。  
不祥在人不在瓦。秦無驕王瓦無災。不然茗椀鐵爐亦  
秦瓦。曾破幾人家國來。

雪夜偷兒來戲題三絕

方擬題詩送窮鬼。乍聞穴壁覓錢神。豈知門外與門內。  
一樣飢啼寒號人。

書窓映雪赤貧儒。枉汝幾回排戶樞。叱賊一聲還自笑。  
聖門我亦穿窬徒。

世間公道在偷兒。貧富平頭鑽隙窺。吾家金玉君休信。  
滿篋文章不療飢。

題歸去來圖二首 錄一

鄉里小兒移晉鼎。世家名士擲華紳。誰知歸隱沈酣者。  
即是當時獨醒人。

歸樵

歸鳥相追下斷崖。回看山頂凍雲埋。誰憐任重更添重。  
暮雪成堆一擔柴。

登東山

危欄倚遍瞰京華。粉壁輝輝似雪花。不覺停杯長大息。高甍傑閣總僧家。

題蛭子垂釣圖

三郎本

天孫。逃世忘富貴。江山享清福。漁隱高其志。只有釣魚竿。曾無釣利餌。若有求清福。不惜相分遺。

題老狸鼓腹圖

六句律

冷煙荒草月三更。鼓腹田田醉忘情。方是獸王寬政日。隔林高響太平聲。誰知昨夜前村雨。大笠小童携酒行。

丙午暮春以詩代書寄岸西史還長慶集

誰道借書如借金。金恩自淺書恩深。金濟一時渡頭舸。書照前途暗中火。借金倍償利婦。彼借書抄錄利婦。我。我本性拙百無能。枕經藉史螢雪燈。自笑前身是書蟲。却有巨眼小雲鵬。如何世間藏書者。不肯讀亦不肯借。恰如深窓秘佳人。不招贅郎不出嫁。賴有画僮岸筑州。書庫富於鄴侯架。筆耒餘力耕書田。自耕之餘使我稼。元白是我良師友。朝誦暮吟不釋手。明窓淨几香烟前。茶熟酒醒幽夢後。珍玩不覺歷三年。請君休恠稽留久。還君是編春夕天。吟窓傷別意惘然。想見二公留詩格。

櫻雪林間壁月圓。

戊申元旦

四十無聞已懷慙。又長一年何以堪。誦讀生涯仇白蠹。  
經綸手段遜春蠶。清狂悔做先賢七。交道宜求益友三。  
依舊東風來訪我。老梅花下小書菴。

午睡

高枕午窓卧。飢蚊襲不虞。數聲鳴鑄響。毒針刺肌膚。拂  
頭旋侵脚。撲鬢仍集鬚。出沒一當百。顛倒五尺軀。嗔怒  
拍床起。揮扇縱橫驅。一蚊斃扇下。餘黨竄庭隅。蠢蠢窺  
海表。有似此飢蚊。寄語邊城戍。卧治恐無敷。

古戰場二首錄一

古壘暮烟鎖。廢濠秋草勻。蟲聲疑鬼語。野火訝幽燐。狐  
兔叢中骨。麒麟閣上人。功名終底事。勝敗共灰塵。

題山水圖

溪中晚靄涌。勢欲吞山亭。只餘倚欄客。遙指一峯青。

落葉三首錄一

影閃夕陽窓。聲乾晚風遲。疑是故人來。幾回傾耳聽。

月洲遺稿卷中終

卷中

